



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXVI. Suspendio Brevis Innocentii X. Generalem Congregationem in
Societate Jesu singulo quovis novennio celebrandam injungentis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

ubique fides, tam in iudicio, quam extra illud adhibeatur, quæ præsentibus ipsis adhiberetur, & adhiberi possit, si forent exhibitæ, vel ostensæ.

§. 12. Quodque præfati antequam gratia Notariatus perfui possint, & valeant in manibus alicujus personæ in dignitate Ecclesiastica constitutæ professionem fidei juxta articulos pridem à Sede præfata propositos emittere, & solitum fidelitatis juramentum omninò præstare teneantur, & quilibet ipsorum teneatur.

Dat. P. A. 1. die 19. Sept. Datum Romæ apud S. Mariam Majorem sub Anno Piscatoris, die 19. Septembris 1668. Pontificatus nostri Anno primo.

XXVI.

Suspensio Brevis Innocentii X. Generalem Congregationem in Societate Jesu singulo quovis novennio celebrandam injungentis.

Edita An. D. 1668.

CLEMENS PAPA IX.

Ad futuram rei memoriam.

Proœcium.

Religiosorum virorum Ordines, quos tanquam fertilia agri Domini cultorum plantaria sapiens Romanorum Pontificum prædecessorum Nostrorum pietas instituit, in visceribus paternæ gerentes charitatis, Societatem Jesu viris pietatæ, religione, sacrarum eisque ancillantium bonarum litterarum scientia, ac propriæ, alienæque salutis studio eximie præditis fulgentem, singularibusque in hanc Sanctam Sedem meritis conspicuam, peculiari Apostolicæ dilectionis affectu prosequimur. Et propterea sælici illius regimini, religioseque tranquillitati libenter consulimus, sicut omnibus debite consideratis, pietati atque prudentiæ censemus esse consentaneum.

Tenor Brevis Innocentii X.

§. 1. Aliàs siquidem postquam fel. rec. Innocentius PP. X. Prædecessor noster per quasdam suas in simili forma Brevis die prima Januarii 1646. expeditas litteras, quarum tenorem præsentibus haberi volumus pro expresso, statuerat, mandaverat, præceperat, & ordinaverat, ut perpetuis futuris temporibus Congregatio generalis in prædicta Societate Jesu singulo quoque novennio computando semper à celebratione ultimæ Congregationis generalis haberi, & celebrari omninò deberet, ita ut illius celebratio nullo modo, nec ex quavis causa, sive per Præpositum Generalem pro tempore existentem, sive per quacumque Congregationem particularem, vel generalem impediri, vel ultra novennium hujusmodi differri, seu prorogari possit; utque quoriscumque haberetur, & celebraretur Congregatio generalis hujusmodi, toties novi assistentes ab illis planè diversi, qui præcedente novennio Assistentium muneribus functi fuissent, eligi, seu assumi, & deputari.

§. 2. Ac demum ut omnes, & singuli ejusdem Societatis Provinciales, Vistatores, Præpositi, Rectores, Superiores locales, & alii Officiales jurisdictionem, seu superioritatem habentes quomodolibet nuncupati (exceptis Magistris Novitiorum) in eorum respective muneribus, superioritatibus, ministris, administrationibus, & officiis quomodocumque nuncupatis per triennium dumtaxat durare deberent, eaque, elapso triennio hujusmodi eo ipso vacarent, & vacare censerentur, ipsique ad alia quævis ejusdem Societatis munera, superioritates, ministeria, administrationes, & officia prædicta quomodolibet nuncupata, etiam Viceprovincialis, seu Vicepræpositi, vel Vicerectoris nullatenus eligi, seu assumi, vel deputari valerent, nisi per annum cum dimidio saltem à fine dicti triennii computandum à prædictis muneribus, superioritatibus, ministeriis, administrationibus, & officiis cessavissent: rec. mem. Alexander PP. VII. pariter

Alexand. VII. statum circa triennale

prædecessor noster, certis ex causis tunc expressis adductis, statutum, & ordinationem dicti Innocentii prædecessoris circa triennalem tantum durationem munerum, superioritatum, ministeriorum, administrationum, & officiorum prædictorum, necnon sesqui-anni ab illis vacationem hujusmodi (firma tamen, & illæsa, ac in suo robore in reliquis omnibus remanente eorundem Innocentii prædecessoris litterarum dispositione) perpetuò revocavit, & abrogavit, & aliàs prout in ipsius Alexandri prædecessoris litteris desuper in simili forma Brevis die prima Januarii 1663. emanatis, quarum tenorem præsentibus itidem pro expresso, ac de verbo ad verbum inserto haberi volumus uberius continetur.

Supplicatio.

§. 3. Cum autem sicut dilectus filius Joannes Paulus Oliva Præpositus Generalis dictæ Societatis nobis nuper exponi fecit, postrema Congregatio Generalis ejusdem Societatis anno 1661. celebrata inter alia, unanimi plenè consensu decreverit, infimis precibus ab hac Sancta Sede petendam fore abrogationem prædictarum Innocentii prædecessoris litterarum, non solum in ea parte, in qua memoratus Alexander Prædecessor hujusmodi decreti conscripsit, illam subinde, ut præmittitur concessit, sed etiam in reliqua celebrationis Congregationis Generalis quolibet novennio, novorumque Assistentium à præcedentibus diversorum electionem, seu deputationem concernente: quippe quæ, & Constitutionibus Societatis prædictæ à S. Ignatio illius fundatore editis, quas quinque Romani Pontifices prædecessores nostri approbarunt, conformis non sit, & adverteretur sensui sex Congregationum Generalium ipsius Societatis, quæ contrarium magno consensu expedire societati judicaverunt. Accedit quod abundè jam est prospectum in Societate cuicumque necessitati, ob quam Congregatio Generalis cogi debeat, ideoque novennalis illa plenè inutilis futura sit; cum singulis trienniis celebrari soleat, & debeat Congregatio Procuratorum electorum ex omnibus Provinciis cum facultate convocandi Congregationem Generalem si sit opus. Tum etiam deterrent ingentes sumptus, quos necesse est fieri in convocanda quolibet novennio, & quidem sine necessitate Congregatione illa Generali. Deterrent quoque frequentia vitæ pericula, quibus exponuntur primarii Religiosi omnium Provinciarum ejusdem Societatis, itque plerumque Senes, quorum aliqui paucis ab hinc annis sublato naufragio, alii extincti febribus in itinere, alii in captivitate ab hostibus abducti fuere. Quibus incommodis adjungitur relaxatio disciplinæ religiosæ in Provinciis, dum inde absunt Provinciales, & alii præcipui Religiosi, qui præsentibus conservando illius vigori invigilarent. Nobis propterea memoratus Joannes Paulus Præpositus Generalis humiliter supplicari fecit, ut in præmissis opportunè providere de benignitate Apostolica dignaremur.

§. 4. Nos igitur ipsius Joannis Pauli Præpositi Generalis desiderio, quantum cum domino possumus, favorabiliter annuere volentes, eumque à quibusvis excommunicationis, suspens. & interdicti aliisque Ecclesiasticis sententiis, censuris, & penis à jure vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequen. harum serie absolventes, & absolutum fore censentes, ac prospero sælicique statui, atque incremento Societatis prædictæ de Catholica Religione multis nominibus optimè meritæ, animum nostrum pastorali providentia intendentes, ad superscriptas preces ejusdem Joannis Pauli Præpositi Generalis examinandas specialem Congregationem nonnullorum ex Venerabilibus Fratribus nostris S. R. E. Cardinalibus prudentia, & zelo præstantium deputavimus. Cujus Congregationis

Ad quam examinanda Congregatio Cardinalium deputatur.

audita

audita scientia, & Nobiscum reputantes valde ad rem facere, ut per secreta suffragia constet, quid circa petitam abrogationem sentiat in Domino Societas uniuersa, quae per graviores religiosos ejus instituto optimè imbuitos, rerumque illius usu, atque experientiâ prae ditos, in Congregatione Generali coadunatos repraesentatur.

§. 5. Ideò auctoritate Apostolica tenore praesentium jubemus atque decernimus, ut in Congregatione Generali praedictae Societatis, quae prima ex praescripto illius Constitutionum celebrabitur, praevia inter praedictos religiosos maturâ rei discussione, & consultatione, per secreta postmodum suffragia disquiratur. An bono dictae Societatis expediat, ut terminus novennalis ad celebrandas Congregationes Generales in allegatis Innocentii praedecessoris litteris statutus abrogetur; quae quidem disquisitio si dicta Congregatio Generalis pro electione Praepositi Generalis celebranda sit; ante illius electionem fiat. Postquam autem hujusmodi disquisitio peracta fuerit, illicò ad Nos, vel ad Romanum Pontificem pro tempore existentem distinctè referatur, quo numero suffragiorum ipsa Congregatio Generalis dicti novennalis termini, vel abrogationem, vel observantiam expectaverit, ut quid circa illum deinde observari debeat, Sedis Apostolicae judicio statuatur.

§. 6. Propterea executionem dictarum Innocentii praedecessoris litterarum in ea parte, cui per supradictas Alexandri praedecessoris litteras derogatum non fuit, auctoritate & tenore praedictis interim suspendimus, illamque usque ad Congregationem Generalem ex praescripto Constitutionum Societatis praedictae juxta praedicta primò celebrandam effectu carere volumus, atque decernimus.

§. 7. Decernentes pariter easdem praesentes litteras firmas, validas, & efficaces existere, & fore, suosque plenarios, & integros effectus sortiri & obtinere, ac ab illis ad quos spectat, & pro tempore spectabit, inviolabiliter observari; sicque & non aliter in praemissis per quoscumque Judices ordinarios, & Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, & alios quoslibet quacumque praereminentia, & potestate fungentes, & futuros, sublata eis, & eorum cuilibet quavis aliter judicandi, & interpretandi facultate, & auctoritate judicari & definiti debere, ac irritum, & inane si secus super his à quocumque quavis auctoritate scienter, vel ignoranter contigerit attentari.

§. 8. Non obstant praedictis Innocentii praedecessoris litteris, necnon omnibus & singulis illis, quae memoratus Alexander praedecessor in suis litteris supradictis voluit non obstat, ceterisque contrariis quibuscumque.

§. 9. Volumus autem, ut ipsarum praesentium litterarum transumptis, seu exemplis etiam impressis, manu alicujus Notarii publici, vel Secretarii dictae Societatis subscriptis, & sigillo Praepositi Generalis ejusdem Societatis, seu alterius personae in Ecclesiastica dignitate constitutae munitis, eadem prorsus fides in judicio, & extra adhibeatur, quae praesentibus ipsis adhiberetur, si forent exhibitae, vel ostensa.

Datum Romae apud S. Mariam Majorem sub Anno Piscatoris, die 20. Septembris 1668. Pontificatus Nostri Anno secundo.

Suspensio de qua in rubrica.

Decretum irritans, & clausula sublata.

Remotio contrariorum.

Transumptorum fides.

Dat. P. A. 2. die 20. Sept.

XXVII.

Concesso Indulgentiarum pro Christi Fidelibus Status Ecclesiastici divinam opem implorantibus pro tuitione Civitatis, & Regni Cretae contra Turcas, ac pro felici directione negotiorum Regni Poloniae.

CLEMENS PAPA IX.

Ad futuram rei memoriam.

§. 1. CUM Nos Dominica proximè praeterita Processioni ab Ecclesia S. Stanislai Nationis Polonorum ad Ecclesiam S. Marci de Urbe à Nobis instituta, ac Missa solemnè, quae in eadem Ecclesia S. Marci subinde celebrata fuit, una cum Venerabilibus Fratribus nostris S. R. E. Cardinalibus, necnon Patriarchis, Archiepiscopis, & Episcopis, aliisque Praelatis, & Officialibus Cappellae Nostrae Pontificiae interfuerimus; ac omnibus Christi Fidelibus verè poenitentibus, & confessis, ac sacra Communione refeclis, qui Processioni, & Missae praedictis interessent, vel utramque Ecclesiam hujusmodi eo die visitarent, ibique divinum auxilium tam pro defensione atque tuitione Civitatis, & Regni Cretae contra oppresiones Turcarum, quam pro praesentibus necessitatibus, felicitè directione negotiorum Regni Poloniae implorarent, plenariam omnium peccatorum suorum Indulgentiam, & remissionem misericorditer in Domino concesserimus; ac ejusmodi Indulgentiae participes quocumque fieri voluerimus regulares utriusque sexus in clausura viventes, qui ad divinam opem similiter confugerent.

§. 2. Et in diversis ejusdem Urbis Ecclesiis Sanctissimum Eucharistiae Sacramentum publicae Fidelium venerationi exponi curaverimus, piasque ad Deum preces his diebus indixerimus, ut Pater misericordiarum, & Deus totius consolationis Ecclesiam suam Sanctam protegere, ejusque hostium imperus, & vires virtutis suae potentia reprimere, atque confringere, prosperoque rerum eventus benignè largiri dignetur.

§. 3. Hinc est, quod Nos alios quoque Christi Fideles ad similia Christianae pietatis opera spiritualium gratiarum muneribus incitare cupientes; Venerabilibus Fratribus Archiepiscopis, & Episcopis, aliisque Ecclesiarum Praelatis, & Ordinariis Civitatum, & Diocesum, Oppidorum, Terrarum, & locorum Nobis & Apostolicae Sedi in temporalibus mediata, vel immediata subjectione, seu eorum Vicariis in spiritualibus generalibus per praesentes committimus, & mandamus, ut statim atque ipsarum praesentium litterarum transumpta, seu exempla, etiam impressa, ad eos pervenerint, Processiones pariter in suis respectivè Civitatibus, Oppidis, Terris, & locis instituant, ac memoratum Sanctissimum Eucharistiae Sacramentum in Ecclesiis per eos respectivè designandis Fidelium venerationi per totum mensem Octobrem proximè venturum similiter exponi curent, publicasque preces indicant: Nos enim omnibus, & singulis utriusque sexus Christi Fidelibus verè poenitentibus, & confessis, ac sacra Communione refeclis, qui Processionibus hujusmodi respectivè interfuerint, vel Ecclesias à qua, & ad quam aliqua Processionum hujusmodi fiet, eo die devotè visitaverint, ibique divinum auxilium, ut praemittitur, imploraverint, necnon regularibus utriusque sexus in clausura viventibus, qui similiter confessi, & sacra Communione refecli, pias ad Deum preces in suis respectivè Ecclesiis, seu Monasteriis pariformiter fuderint, plenariam omnium peccatorum suorum Indulgentiam, & remissionem concedimus similiter, & elargimur. Ac praefatis, & aliis Christi Fidelibus, qui ante Sanctissimum Sacramentum, ut praefertur, exponendum per aliquod temporis spatium piè orando divinam opem, ut supra invocaverint, quoties id egerint, toties septem annos, & totidem quadragenas de injunctis eis, aut aliis quomodolibet debitis poenitentis in forma Ecclesiae consueta relaxamus.

§. 4. Volumus autem, ut earumdem praesentium litterarum transumptis, seu exemplis, etiam impres-

Edita A. D. 1668.

Causa cond.

Processiones cum expositione S. Sacramenti fieri mandata tra Italian.

Indulgentiarum plenar. concedit.

Transumptorum fides.

impres-